



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

XLV. De Negotiatione.

urn:nbn:de:bvb:12-bsb10497643-5

Fontes quod attinet, magno sunt illi ornamento, & refrigerio : sed *Stagna*, & *Piscinae*, exulent: *Hortum* enim insalubrem reddunt, & scatentem mucus, ranis, & similibus. *Fontes* duorum generum intelligo : Unum qui aquam salientem verset, & disperget, cum crateribus suis; Alterum nitidum aquæ receptaculum, quadratum, pedum triginta vel quadraginta, illime, sine ceno, aut piscibus. Quoad primū, *Imagines* inauguratae, aut marmoreæ, quæ in usu sunt, ornamento esse recte possunt. Sed in eo genere cardo rei est, ita aquam regere, ut perpetuo fluat, nec cōsistat, aut in crater, aut in cisterna; ita ut quiete non sit decolor, versa aut inviridem, aut rubrum, aut hujusmodi : neque muscum colligat, aut putredinem. Etiam manu purganda est quotidie, ut maneat limpida. Itidem, gradus aliqui ascensus ad *Fontem*, & *Pavimentum* circa eum elegans, decori sunt. Illud alterum *Fontis* genus, quod Balneum sive Lavacrum dicitur potest, multum ornatus, & curiositatis, recipere potest: quibus non immoramus. Veluti, Ut fundum sit *imaginibus* decoratum latera quoque; simul hinc inde vitro variorum colorum, & hujusmodi corporibus politis, & radiandibus, splendens, circundatum etiam clausura humilium statuarum. Sed maximum est illud, cuius, in priore genere *Fontum*, mentionem fecimus: Nimurum, ut aqua sit in perpetuo motu; aqua scilicet, qua balneo superior sit nutrita, per canales venusto inducta, & rufus, per tubos subter terram æqualis dimensionis, ne aqua diutius conficit, educta. Verum quoad curiosas inventiones, arcuandi aquas sine earum effusione: & eas effingendi in variis formis, (plumarum, pectorum, vitreorum, conopeorum, campanarum, & similiis;) etiam rupes artificiosas, & hujusmodi. Suntilla quidem spectata jucunda, sed nihil ad salubritatem, aut suavitatem.

Fruticetum autem, quod tertiam totius *Horti* partem posuimus, velim ut ad similitudinem naturalis *Deserti*, prope accedat. Arbores in illo plantari nolo, nisi quod in aliquibus locis erigi præcipio, arborum series, quæ in vertice *Ambulacra* cōtineat, ramis arborum cooperta, cū fenestræ. Subjaceat autem pars soli, floribus odoris suavis abunde confita, qui auræ in superius exhaleat; alias *Fru-*
ticetum apertum esse sine arboribus velim. Dumeta tamen spargi placet, ex Rubo odorato, Periclymeno, & Vite sylvestri. Terram autem ubiq; confitam volo, Violis, Fragis præcipue, & Primulis Veris. Hæ enim plantæ jucundum spirant Odorem, & in umbra feliciter crescunt. *Dumeta* autem & *Ambulacra* super arbores, spargi volumus ad placitum, non ordine aliquo collocari. Probo etiam cumulos parvos, instar corum quos talpæ erigunt, (quales in Erictis campestribus esse solent,) alios Serpillo, Caryophyllatis minoribus alios, alios Chamadri, quæ florem præber pulchrum. alios Pervinca, alios violis, Fragis alios, Floribus Paralysis alios, Bellidibus alios, alios Rosis rubris, alios Lilis convallium, alios Armeriis rubris, alios Helleboro flore purpureo, & Floribus, similibus, suavibus & bellis, confitos. Pars etiam cumulorum habeat in vertice Frutices. Ex sunt: Rosa, Juniperus, Aquifolia, Oxyacantha, (Sed hæc rarior propter Odoris gravitatem floret;) Ribesum baccis rubris; Uva crispa, Rosmarinus, Laurus, Rubus odoratus, & id genus aliæ: Fru-

tices autem ferro refecandæ, ne deformiter excrecant.

Jam Solum utrinque ad altera, in *Ambulacra* prævara, pro quavis diei parte umbrosa distribuendum est. Ex iis etiam quædam à ventis asperioribus ita munienda sunt, ut in iis spatiare possit quis, tanquam in porticu. Quinetiam, ob eandem cauſam, videlicet ut venti arceantur, ad exitus claudenda sunt. Et hæc clausa *Ambulacra* præcipue fabulo subternanda sunt, absque gramine, ne in udo ambulatio sit. In plerisque horum *Ambulacrorum*, arbores fructiferæ omnigenæ collocanda sunt, tam ad parietes exteriores, quam in ordinibus interius. Ethoc in genere observari debet, ut terra elevata, in qua arbores fructiferæ plantantur, sit lata, humili & molliter ascensio: & floribus suavibus confita, sed raris, ne succo defraudent arbores. Ad exitus Soli lateralis utrinque monticellos fieri probo, ad talem altitudinem parietis exterioris, ut in monticello stanti, in agros pateat prospectus.

Ruris, quoad *Hortum* præcipuum, non negarem, in eo confici debere *Ambulacra* quædam, ea que minime angusta, arboribus fructiferis utrinq; confita. Quin & arboreta aliqua arborum fructiferarum prope confitarunt: & Umbracula artificiosa & bella, cum sedibus ordine elegante locata. Verū hæc nullo modo nimis confertim: Relinquendus est enim *Hortus* præcipius apertior, & aere perflabilis & liber. Ubram enim queras velim in *Ambulacris* lateralibus, ubi in ardoribus anni, vel diei, ambules. *Hortus* siquidem præcipius comparatus est in temperatores anni partes; verinas, & autunnales: æstate autem, ad matutina & vespertina tempora, aut etiam ad dies nubilosos.

Avaria non probo, nisi tantæ sint amplitudinis, ut cespites gramine subterni queant: fruticibus etiam & arbusculis vivis conferantur, ut aves liberiori volent, & se per diversa oblectare & cōponere possint: atque nulla in area aviarii cōspiciatur spurcitis.

Quantum vero ad *Ambulacra* in clivis, & variis ascenibus amoenis conficienda, illa Naturæ dona sunt, nec ubiq; extrinsecus possunt: Nos autem ea possumus, quæ omni loco convenientia.

Horti itaque *Regij* figuram jam delineavimus, parim præceptis partim modulo generali, sed minime accurato. Et hac in re sumptibus minime percimus. Sed ad *Principes* id nihil est, qui, ut nunc sit, plerunque *Hortianos* consulunt: atque haud minore sumptu, varia, parum cum judicio, componunt: addentes etiam quandoque statuas, & alia ad magnificentiam, & pompam: sed ad genuinam *Hortorum* voluptatem, & amoenitatem, nihil conducedentia.

XLV.

DE OFFICIO JUDICIS.

Generaliter, melius est, per Verbanegotiari, quam per Literas, & per Intercessionem persona tercia, quam per se ipsum. Literæ utiles sunt cum quis, per Literas itidem, responsum elicere desiderat; vel ubi sua, intersit, Exemplaria Literarum quas scripit, producere, & monstrare: denique, ubi metuere quis merito possit, ne sermo interrupatur, aut per portiones audiatur. Contra vivâ voce tractare præstat, cum facies hominis reverentiæ incessura sit: ut sit plerunque in colloquio cum

cum inferiore; aut in rebus, quas extremis tantum digitis tangere coenit, in quibus oculus loquens, in vultum & gestum alterius intentus, monere possit, quo usque procedere liceat; & generaliter, quando libertatem quis sibi retinere cupit, vel dicens, vel interpretandi ea quae dixerit. In tractando per alios, cauti & melius fuerit, eos eligere qui simplicioris sunt ingenii; quos probabile est, illa, quae in mandatis habent, executores, & successum rei fideliter narratos: quam eos, qui ex aliorum negotiis aliquid in se honoris aut utilitatis transferre callidi sunt, atque ea, quae referent, verbis emollient, ut impense placeant. Tales etiam adhibe, qui negotio, cui præficiuntur, faveant; id enim industriam acut: atque insuper tales, qui cum re, quam tractant, congruitatem quādam habent: veluti, audaces ad expostulandum; blandos ad persuadendum; astutos ad obserendum & rimandum; protervos, & paulo absurdiores, ad res, quae aliquid iniqui habent, transfigendas. Tales etiam adhibe, qui in Negotiis tuis antea tractandis, felices fuerunt, & obtinuerunt: Hoc enim confidentiam parit; & omnem lapidem movebunt, quo veluti præscriptionem tueantur. Melius fuerit, hominem cum quo negotiari, primo leviter degustare, & quasi ex longinquo, quam ab initio Summam rei proponere. Nisi forte in animo sit, brevi illum aliqua questiuncula irretire & opprimere. Præstat cum illis negotiari, qui in ambitu sunt, quam cum illis, qui desideria sua sunt adepti. Si cum alio sub conditione negotieris, primæ veluti occupatio, aut possellio votorum, in præcipuis numeranda: Id autem cum ratione postulare ne quis, nisi aut natura rei talis sit, quæ præcedere debet; aut alteri commode insinuare possit, illum operata in aliis usurum; aut denique habearis ipse pro homine in primis integro & verace. Omnis Negotiatio eo spectat, aut ut detegat aliquid; aut ut efficiat. Detegunt se homines, vel animum suum communicando; vel cum ira commoti sunt, nec se bene cohibere sciant; vel cum ex improviso opprimuntur; vel cum necessitate quadam adiunguntur, non habentes quod prætexant. Si quem ad nutum fingere cupias, ut inde efficias aliquid ut inclinationes & mores ejus bene cognoscendi, ut eum manu ducas; aut fines ejus perspiciendi, ut suadeas; aut infirmitates ejus, & ea quibus obnoxius est, exploranda, ut terreas; aut denique amici ejus, qui plurimum apud eum valent, conciliandi, ut eo modo regere possis. In tractando cum callidis & dolosis, verbis corum minime credendum, nisi fines & intentiones eorum habeas verborum interpres; Quin & optimum fuerit, pauca apud illos loqui, & quia minime expectant. In rebus quibuscumque difficilioribus non expectandum, ut quis simul & serat, & meta sed præparatione opus est, ut per gradus maturescant.

XLVI.

DE CLIENTIBUS, FAMILIS, ET AMICIS.

Clientes sumptuosi minime admittendi; ne dumquis caudæ pennas adauger, alarum pennas præscindat. Eos autem sumptuosos intelligo, non solum qui impensis gravant sed etiam qui petitionibus molesti & importuni sunt. Clientes communes, conditiones alias expectare non debent, extra favorem, commendationem, si opus sit, &

ab injuria protectionem. Clientes autem & Amici factiosi, adhuc magis vitandi, qui alicui se applicant, non tam ex amore ipsius, cui famulantur, quam ex odio versus alium concepto. Unde se penumero sequitur animorum illa alienatio, quam videre inter potentiores. Similiter, Clientes illi gloriosi, qui in hoc incumbunt, ut loco buccinarum sint, ad laudes eorum resonandas, quibus famulantur, haud parum nocent: etenim negotia futilitate sua corruptunt; tum vero honorem Domini sui (si quis vere rem reputet) exportant, & mercem invidie invehunt. Est & aliud genus Clientum proflus periculosum; qui nil aliud quam Speculatorum sunt, & secreta familia rimantur, ac rursus aliorum auribus insuffrunt. Attamen hujusmodi homines, apud Dominos suos, se penumero in summo pretio habentur; si quidem officiosi sunt, & suffusos fere commutant. Clientes hominum Ordinis cuiuspiam, si ejusdem cum Patrono Ordinis sint, (veluti militum versus illū, qui præfectorum in bellis gessit, & hujusmodi,) semper pro re decora habitum est, & in bonam partem acceptum, etiam in Monarchia: modo absit pompa nimia, & popularitas. Verum Clientela omnium maxime honorifica, ea est. Ut quis Patronum se profiteatur, eorum qui virtute & meritis claret, cuiuscunq; Ordinis sint, vel Coadiutionis. Attamen, ubi nulla insignis cernitur in meritis dissimilitudo, præstat mediocribus patrocina ri, quam eminentioribus. Atque insuper, si verum omnino dicendum sit, in seculis aliquanto corruptioribus, homines industrii & satagentes, usi magis sunt, quam vera virtute prædicti. Certè in imperando, optimum est, ejusdem gradus Subditos pari comitate tractare; Paucos enim immensa gratia prosequi, ipsos magis insolentes, reliquos malevolos efficer; quandoquidem Ordinis paritas æquas gratiæ conditiones, tanquam ex debito, poscit. Verum è contra, in iis, quæ favoris meri sunt, prædest cum delectu afficere; Nam eos, qui benignius tractant, impense gratos reddet, cateros imprimis officiosos: Neque de hoc merito conqueratur quispiam; cum omnia ex gratia, non ex debito, prodeant. Recte cœvatur, ne sub ini tiis immoderatus aliquem favore prosequaris; Nam quæ tractu temporis sequentur, vix iit is ini tiis respondere possum. Fungi, (quod ajunt) & regis, ab Amico aliquo, tutum non est: Etenim molli tem quandam anim prodit: Tum vero convitiis & scandalo occasionem præbet: Plurimi enim, qui nos ipsos immediate non perfirxiſent, Amicum illum nostrum contumeliis afficere non verebuntur; atque eo modo honorem nostrum vulnerabunt. Attamen, plurimum potestati subjici, & veluti in partes diffrahi, adhuc pejus; Hoc enim nos reddet postremæ (ut nunc loquuntur,) editio nis, & plenos inconstitæ. Deliberare cum Amicis aliquot paucis, honorabile sane & utile; Spectatores enim se penumero plus vident, quam L. uores. Atque (ut Adagio dicitur) Vallis opime collam monstrat. Amicitia vera in Orbe, rara admodum; & minime omnium ea quæ inter æquales: quod genus apud veteres celebrari solebat. Si qua est, ea reperiatur inter superiore & inferiore: fortuna quorum, altera alteram comprehendere possint.